



Líon an *Dúlra*

Eagrán 19

Earrach 2017

San eagrán seo...

Leathanach an Eagarthóra

An Carraigín

Eoin Ó Foghlú, an Foghlái
Bréige

An Phéacóg

Dathaigh Leat

Ar Aghaidh leis an Obair

Sábháilteacht ar Muir
Coimisinéirí Soilse na hÉireann

Comharthaí Loingseoireachta

Tóraíocht Dúlra an Earraigh

An Saol Mórthimpeall Orainn

Bí ag Foghlaim

Leathanach Spraoi

Bolb Beartach

Cuardach Focal an Earraigh

Dialann Dúlra

Foclóirín



Leathanach an Eagarthóra

Ag Seoladh trí Chuan Dhún na Séad

Bíonn sé fíorthábhachtach a bheith ábalta do shlí a fháil¹ agus tú amuigh ar an bhfarraige. Mar sin, bíonn comharthaí ann ar fud na tíre a chabhraíonn le bádóirí agus mairnéalaigh² a mbealach a dhéanamh go slán sábháilte, comharthaí loingseoireachta³ a thugtar orthu. Tá go leor de na comharthaí loingseoireachta i gCuan Dhún na Séad le feiceáil ón mbád farantóireachta⁴ go hInis Arcáin.

Is é Rabhcán Dhún na Séad⁵ an comhartha is feiceálaí⁶ sa cheantar. Marcálann an Rabhcán agus an teach solais ar Inis Arcáin an bealach isteach go Cuan Dhún na Séad. Ar na carraigeacha laistíos⁷ den rabhcán atá Baoi Loo. Ainmníodh an baoi⁸ sin as long cogaidh Shasanach⁹, *HMS Looe*, a chuaigh i dtír¹⁰ ar na carraigeacha in 1697.

Tá carraigeacha i lár an chuain a bhíonn le feiceáil agus lag trá¹¹ ann. Tá rabhcán príomhairde¹² ar na carraigeacha sin ar a dtugtar an fara¹³. Tá sé 12 m ar airde. Níos gaire do Ché Dhún na Séad tá baoi Charraig Wallis. Marcálann an baoi sin carraigeacha dáinséarachacha san uisce. Nuair a bhíonn lag trá ann ní bhíonn siad ach 1.8 méadar faoi dhromchla an uisce¹⁴.

Nuair a fheiceann duine na comharthaí sin ar fad gach lá b'fhéidir nach rithfeadh sé leis chomh tábhachtach is atá siad. Ach murach iad bheadh an fharraige timpeall orainn i bhfad níos dáinséaraí!



A Léitheoir dhil

Fáilte chuig Eagrán an Earraigh de *Líon an Dúlra*.

Mar is gnách tá sé lán le fíricí spéisiúla spráilúla faoin dúlra anseo in Éirinn agus thar lear, agus tá neart cluichí agus gníomhaíochtaí ann freisin. Tá súil againn go mbainfidh sibh sult as!

Susan

R-phost:

editor@naturesweb.ie

Láithreán Gréasáin:

www.naturesweb.ie

Eagarthóir:

Susan Murphy Wickens

Leagan Amach agus Dearadh:

Susan Murphy Wickens

Grianghraif agus Fáisc-ealaín:

Cóipcheart © 2016 Stáisiún Mara Inis Arcáin agus a chuid ceadúnóirí. Gach ceart ar cosaint.

Comhfhreagraí Eachtrach:

Michael Ludwig

Leagan Gaeilge:

© Foras na Gaeilge 2017

© Stáisiún Mara Inis Arcáin 2016



Na Comhábhair:

- 6 fhillead d'iasc bán ar bith¹
- 50 g im
- 2 scailliún² agus iad mionghearrtha³
- 110 g muisiriún agus iad gearrtha ina slisíní⁴
- 110 g cúscús⁵, bulgar⁶ nó rís – é cócaireáilte roimh ré⁷
- 25 g cnónna péine⁸
- 4 shlisne de liamhás Parma⁹ nó slisíní de bhagún stríocach¹⁰
- Salann agus piobar

BIA MARA RÓSTA

Modh:

Bia do sheisear (6)

- Leáigh an t-im¹ agus sótaíl² na scailliúin agus na muisiriúin go réidh. Cuir salann agus piobar orthu mar bhlastanas³.
- Chun an búiste⁴ a dhéanamh, cuir na scailliúin agus na muisiriúin isteach leis an gcúscús agus na cnónna péine.
- Leag na filléid éisc⁵ amach ar chlár nó ar phláta agus blaistigh⁶ iad.
- Cuir spúnóg nó dhó den bhúiste cúscús ar na filléid, ansin rolláil suas⁷ iad agus slisnigh den liamhás Parma⁸ nó slisíní bagúin⁹ timpeall orthu. Leag na filléid i mias a bhfuil im smeartha¹⁰ uirthi.
- Clúdaigh agus róstaíl in oigheann measartha te¹¹ ar feadh 20 nóiméad iad.
- Cuir ar an mbord é le prátaí rósta agus do rogha glasraí.

Le caoinchead Bord Bia www.bordbia.ie

Líon an Dúlra

Earrach 2017

www.naturesweb.ie

© Stáisiún Mara Inis Arcáin agus a chuid ceadúnóirí. Gach ceart ar cosaint.

An Carraigín

Ainm Eolaíochta: *Chondrus crispus*

Ainm Malartach Gaeilge: *Cosáinín carraige*

Tá 3 phríomhghrúpa feamainne¹ ann – feamainn dhearg², feamainn ghlas agus feamainn rua.

Is feamainn dhearg é an carraigín a fhaightear go coitianta san fharraige timpeall ar chósta na hÉireann. Fronn³ a thugtar ar an gcuid sin den fheamainn atá mar a bheadh duilleog ar phlanda. Feamainn bheag dhosach⁴ atá sa charraigín, bíonn froinn leathana air agus iad roinnte go rialta i gcruth fean⁵.

Bíonn dath álainn ar an gcarraigín. Agus é san uisce bíonn loinnir⁶ ghormchorcra⁷ ar bharr na bhfronn. Dathlonrachas⁸ a thugtar ar loinnir dá leithéid.

Tá feamainn dhearg eile ann freisin ar a dtugtar clúimhín cait (*mastocarpus stellatus*) agus atá an-chosúil leis an gcarraigín.

Bíonn coirníní beaga⁹ ar imeall na bhfronn agus fásann cnapáin¹⁰ mar a bheadh faithní¹¹ ar na codanna is sine den phlanda.

Fíricí maidir leis an gcarraigín

Dath: Deargchorcra dorchá.

Méid: 7-15 cm ar a fhad


Gnáthóg: Fásann sé ar charraigeacha agus ar chlocha i locháin agus in uisce éadomhain ar íochtar an chladaigh.



Cá mbíonn teacht ar an gCarraigín?

De ghnáth faightear an carraigín faoi na feamainní móra donna a fhásann i locháin charraige¹. Fásann sé ar charraigeacha in íochtar an chladaigh² freisin. Ní oireann³ sé don chosáinín carraige a bheith lasmuigh den uisce ar feadh tamaill fhada.

Suíomh ar an gCladach



Crios steancála¹

Uachtar an chladaigh²

Lár an chladaigh

Íochtar an chladaigh

Crios Fothaoideach³

An Carraigín – Bia agus Sláinte

Baintear úsáid as carraigín go forleathan sa chócaireacht. Is féidir an fheamainn féin a thriomú agus a ithe, ach baintear úsáid as freisin mar thiúsóir¹ in ábhar eile. Tá ábhar téachta² sa charraigín ar a dtugtar carraigínín³. Is breiseán⁴ an-tábhachtach é an carraigínín i dtionscal an bhia⁵. Baintear leas as go minic le dhá leacht a chumasc⁶ le chéile ina meascán mín⁷ – anraith agus glóthach⁸ mar shampla. Úsáidtear freisin é i dtaos fiacla, in uachtair agus in ungthaí⁹.

Is féidir carraigín a úsáid chun maróg bhainne¹⁰ thraidisiúnta a dhéanamh. Úsáidtear an carraigín i gcógais¹¹ chomh maith agus tá sé in úsáid in Éirinn leis na céadta bliain mar chóir leighis¹² ar shlaghdán, ar chasacht agus ar scornach thinn. Nuair a bhaintear an carraigín ar mhaithe lena ithe¹³ déantar é a ní agus a thriomú faoin ngrian chun é a leasú¹⁴. Tagann dath buí agus cuma thréshoilseach¹⁵ air ansin agus éiríonn sé briosc¹⁶.





Eoin Ó Foghlú, An Foghlai Bréige

Hóra, a chairde!

An raibh a fhios agaibh, fiú má tá sibh in bhur gcónaí i bhfad ón bhfarraige, go mbíonn tionchar mór aici oraibh fós. An cuimhin libh na **Seacht bPrionsabal**¹ a bhaineann le **Feasacht ar an bhFarraige**²? De réir an dara prionsabal, is í an fharraige agus beathra³ na farraige a mhúnláíonn gnéithe fisiceacha⁴ an domhain.

Ainmhithe Beaga Bídeacha agus Gnéithe Móra Talún

Cé a chreidfeadh é, ach is é is cúis le¹ cuid de na gnéithe talún² is suaithinsí³ ar domhan a bheith ann ná ainmhithe atá chomh beag sin go dteastódh micreascóp⁴ uait chun iad a fheiceáil!

Aillte Geala Dover⁵, cuir

i gcás. An chailc⁶ as a

bhfuil na haillte sin déanta, tá sí sin déanta de na trilliúin is na trilliúin sliogán iontaisithe⁵. Baineann na sliogáin sin le hainmhithe bídeacha mara ar a dtugtar *foraminifera*, agus maireann siad sin san fharraige fós. Is féidir mórán a fhoghlaim faoin timpeallacht san fharraige na milliúin bliain ó shin nuair a bhí na *foraminifera* sin beo ach scagadh⁷ a dhéanamh ar na sliogáin sin.

Breoslaí iontaise⁸ a thugtar ar pheitreal, díosal agus gás nádúrtha. Tuigimid anois go gcruthaítear dé-ocsaíd charbóin⁹ nuair a dhóitear breoslaí dá léithéid. Ionsúnn¹⁰ an fharraige an dé-ocsaíd charbóin ach fágann sé sin go mbíonn i bhfad níos mó aigéid¹¹ sa saile dá bharr. Dá mbeadh an iomarca aigéid san fharraige ní bheadh *foraminifera* agus ainmhithe beaga mara eile ábalta a sliogáin a dhéanamh as carbónáit chailciam¹². Tá seans go mbeadh an deacracht chéanna ag ainmhithe atá níos mó ná iad chomh maith – portáin, oisrí¹³, diúilicín¹⁴ agus sliogéisc¹⁵ eile. Cuimhnigh air sin, dá mbeadh an iomarca aigéid san fharraige na milliúin bliain ó shin ní bheadh Aillte Geala Dover againn anois!

Níl ansin ach sampla amháin den dochar a dhéantar don timpeallacht nuair a dhóitear breoslaí iontaise. Ach léiríonn sé cé chomh tábhachtach is atá an fuinneamh in-athnuaite¹⁶. Má táimid chun an dochar atá a dhéanamh don timpeallacht a mhaolú, caithfidh úsáid níos mó a bhaint as fuinneamh na gaoithe agus na gréine agus as fuinneamh na taoide agus na dtonn.



Lear Mór Gainimh

Is san fharraige a fhaightear cuid mhaith den ghaineamh atá ar an domhan. Is é is fosú¹ ann ná nuair a tharlaíonn nó nuair a bhailíonn sraith² nó ciseal³ d'ábhar ar leith in áit ar leith. Mianrach⁴, nó miotal áirithe, cuir i gcás nó gaineamh féin. Tá geolaithe⁵ tar éis teacht ar fhosú gainimh⁶ ollmhór sa Mhuir Thuaidh⁷ a bhfuil méid 10 km ciúbach ann. Measann siad gur gaineamh easbhrúite⁷ atá sa ghaineamh sin. Is é sin, gur brúchtadh aníos⁸ trí screamh⁹ an domhain agus ar ghrinneall na farraige¹⁰ é faoi mar a bheadh laibhe¹¹ ag brúchtadh amach as bolcán.

Dá leagfaí an gaineamh sin go léir anuas ar Oileán Manhattan i Nua-Eabhrac, chlúdódh sé an t-oileán ar fad agus bheadh an gaineamh 160 méadar ar doimhneacht¹¹!

In 2013 d'éirigh oileán nua sa Mhuir Thuaidh 24 cileaméadar amach ó chósta Schleswig - Holstein na Gearmáine. Is oileán gainimh atá ann agus ceaptar gur mar thoradh ar ghluaiseachtaí nádúrtha¹² na dtaidí a cruthaíodh é. Le déanaí ainmníodh an t-oileán ina pháirc náisiúnta mhara. Faightear faoileáin, lachain Lochlannacha¹³, feadóga cladaigh¹⁴ agus fiú amháin fabhcúin ghorma¹⁵ san oileán. Oileán na nÉan a thugtar anois air mar gheall ar líon na n-éan¹⁶ a bhíonn ar an oileán.



Oileáin na hÉireann?

Nuair dhóitear breosla iontaise¹ cruthaíonn sé sin gáis cheaptha teasa²– gás cheaptha teasa is ea dé-ocsaíd charbóin³ mar shampla. Bailíonn na gáis sin san atmaisféar agus cuireann sé sin leis an téamh domhanda⁴.

Má éiríonn an teocht domhanda⁴ ró-ard is baolach⁵ go leáfaidh⁶ na hoighearchaidheanna⁷ ar an bPol Thuaidh⁸ agus ar an bPol Theas. Dá dtarlódh sé sin scaoilfí na billiúin tonna d'uisce ar ais san fharraige.

Bheadh roinnt torthaí tubaisteacha⁹ ag baint leis sin. Ar an gcéad dul síos¹⁰ chuirfeadh sé isteach ar shruthanna na farraige¹¹, rud a d'athródh patrúin na haimsire agus d'fhágfadh go mbeadh níos mó stoirmeacha ann.

Ar an dara dul síos¹², d'ardófaí leibhéal na farraige¹³. Cad a bheadh i ndán d'oileán na hÉireann dá n-ardódh leibhéal na farraige 70 méadar? Bheadh cuid mhaith den tír faoi uisce, go deimhin, ní oileán na hÉireann a bheadh ann níos mó ach *oileáin* na hÉireann. Tá samhail¹⁴ den chuma a bheadh ar an tír dá dá dtarlódh a leithéid le feiceáil ach cliceáil ar an nasc seo: <http://www.broadsheet.ie/2014/11/28/ireland-in-bits/>




An Phéacóg


Ainm eolaíochta: *Inachis io*

Is furasta an phéacóg¹ a aithint mar bíonn ceithre shúil péacóige ar uachtar a sciathán². Faoi mar a dhéanann féileacán eile, an ruán beag³, is nós leis an bpéacóg dul isteach i dtithe chun áit oiriúnach⁴ a aimsiú chun an geimhreadh a chaitheamh. Uaireanta caitheann an phéacóg an geimhridh ina codladh i stoc crainn⁵ nó i gcarnán⁶ adhmaid. Bíonn dath dorchá ar íochtar a sciathán ag an dá speiceas, an phéacóg agus an ruán beag. Cuidíonn sé sin leo dul i bhfolach i gcúinní dorchá i rith an gheimhridh.

Beireann an phéacóg a cuid uibheacha i mbraislí⁷ móra ar an taobh thíos de dhuilleoga neantóg⁸. Tagann na boilb⁹ amach as na huibheacha tar éis 7-12 lá. Fanann siad le chéile ina ngrúpa go dtí go mbíonn siad mór go leor le dul ag fánaíocht⁹ astu féin. Is féidir leis an mbolb gluaiseacht go tapa. Má chuirtear isteach air¹⁰, ardóidh sé tosach a choirp¹¹ den talamh agus cuirfidh sé cuma chrúca¹² air féin. Má éiríonn sé crosta titfidh sé go talamh agus tosóidh sé ag lúbarnaíl le báiní¹³!



Dathaigh Mé



Aghaidh Fidil agus Folach Bíog - An Duaithníocht -

Chuirfeadh na patrúin ar sciatháin na péacóige súile éin i gcuimhne duit. Go deimhin, nuair fhéachann tú ar an bpéacóg agus í bunoscionn, chuirfeadh na patrúin ar a sciatháin súile agus gob¹ éin chreiche² i gcuimhne duit. Ní trí sheans³ atá sé sin amhlaidh⁴. Nuair a fheiceann luchá nó éin bheaga nó creachadóirí⁵ na súile agus an gob sin scanraítear⁶ iad agus ní chuireann siad isteach ar an bpéacóg.



A mhalairt atá fíor⁷ faoin taobh thíos de⁸ na sciatháin. Dath dorchá a bhíonn orthu sin. Filleann⁹ an phéacóg a sciatháin agus í ina codladh nó ag ligean a scíthe ar stoc crainn, nó i gcúinne dorchá. Fágann an dath dorchá sin ar an taobh thíos de na sciatháin go mbíonn sé an-deacair an phéacóg a fheiceáil agus í ar stoc crainn, cuir i gcás. Luíonn¹⁰ dath dorchá na sciatháin isteach le dath na coirte¹¹. Duaithníocht¹² a thugtar ar a leithéid sin, is é sin, nuair a bhíonn dath nó patrún ar leith ar ainmhí a chabhraíonn leis dul i bhfolach.



Péacóg á beathú¹ féin ar bhláthanna *Buddleia*. Tor an fhéileacáin a thugar ar an tor² seo go coitianta mar go dtaitníonn sé go mór le féileacáin!

Comhad Firicí

Réise sciathán¹: 5.4-5.8 cm. Bíonn an ceann baineann beagáinín níos mó ná an ceann fireann.

Dath: Dath ruadhonn² dorchá agus marcanna buí agus dubh. Bíonn spota mór liathchorcra³, mar a bheadh súil ann, ar gach aon sciathán.

Bia: Itheann na boilb⁴ neantóga⁵. Itheann na féileacáin fhásta neachtar⁶ thor an fhéileacáin agus bláthanna eile.

Bolb: Dubh agus spíonach⁷

Trasna na dtionta ...



Sábháilteacht ar Muir

Coimisinéirí Soilse na hÉireann

Má théann tú timpeall ar chósta na hÉireann in aon chor, ní bheidh ort dul ró-fhada sula bhfeicfidh tú teach solais¹, rabhcán² nó baoi³. Comharthaí loingseoireachta⁴ a thugtar orthu sin ar fad. Is treoir iad do bháid agus do longa agus tugann siad rabhadh dóibh i dtaobh contúirtí nó guaiseacha⁵ timpeall an chósta.

Cuireann Coimisinéirí Soilse na hÉireann seirbhís riachtanach sábháilteachta⁶ ar fáil ar fud an chósta. Is iad atá freagrach as cothabháil na gcomharthaí loingseoireachta ar fud an chósta. Uaireanta déanann siad an obair sin i gcomhar leis⁷ na húdaráis áitiúla⁸.

Bíonn gach bád agus long a thagann i dtír⁹ i gcuan nó i gcalafort¹⁰ ar bith ar fud na tíre ag brath ar an tseirbhís sin a chuireann Coimisinéirí Soilse na hÉireann ar fáil. Ní hamháin sin ach is crann taca¹³ agus is cosaint í an tseirbhís sin do phobail timpeall an chósta ar fad a bhíonn ag brath ar an bhfarraige chun slí bheatha a dhéanamh dóibh féin.

www.irishlights.ie

An LSE Granuaile

Tá long dá gcuid féin Coimisinéirí Soilse na hÉireann, an LSE *Granuaile*. Fiú nuair a bhíonn drochaimsir cheart ann agus an fharraige an-gharbh bíonn an *Granuaile* fós ábalta dul amach agus feidhmiú¹ mar is ceart. Tá fearas suite² ar an long atá ceangailte le saítilít³ agus atá an-bheacht⁴ ar fad. Is é príomhfheidhm⁵ na loinge an 150 baoi mara ar fud an chósta a shocrú⁶ agus a chothabháil⁶. Tugann na baoithe rabhadh do mhairnéalachgh faoi oitreacha gainimh⁷, scairbheacha⁸ agus contúirtí eile atá gar do na bealaí long⁹.

Tá héileapad¹⁰ ar an long a fhágann go mbíonn héileacaptair ábalta tuirlingt uirthi agus iad ag freastal ar na tithe solais amach ón gcósta. Ina theannta sin, is minic a chuirtear an LSE *Granuaile* ar fáil chun cabhrú le heagraíochtaí eile stáit¹¹, go háirithe i gcás timpistí agus éigeandála¹². Ach chomh maith leis sin, bíonn sí ar fáil chun cabhrú nuair a bhíonn doirteadh ola¹³ le glanadh suas nó nuair a bhíonn taighde¹⁴ nó obair shuirbhéireachta¹⁵ ar siúl amach ón gcósta.



Íomhá le caoinchead Coimisinéirí Soilse na hÉireann.

Comharthaí Loingseoireachta

Tá dualgas reachtúil¹ ar Rialtas na hÉireann² agus ar Rialtas na Breataine faoi Choinbhinsiún SOLAS 1974 comharthaí loingseoireachta a sholáthar agus a chothbháil ar fud chósta oileán na hÉireann. Cuireann Coimisinéirí Soilse na hÉireann an tseirbhís sin ar fáil thar ceann³ an dá rialtas.

Íomhá le caoinchead Coimisinéirí Soilse na hÉireann.



Dleachtanna Solais

Gearrtar táille¹ ar leith ar gach long tráchtála² a thugann cuairt ar chalafort³ ar bith in Éirinn. **Dleacht solais**³ a thugtar ar an táille sin. Baintear úsáid as na táillí sin chun comharthaí loingseoireachta a sholáthar agus a chothabháil ar fud chósta na hÉireann. Tá an táille a ghearrtar bunaithe ar⁴ mheáchan na loinge⁵.



Íomhá le caoinchead Robbie Murphy

An rabhcán ar Inis Fada, atá amach ón Scoil in iarthar Chorcaí. Tá teach solais Charraig Aonair sa chúlra.

Comharthaí Loingseoireachta

Is é is comhartha loingseoireachta¹ ann ná teach solais², baoi³, rabhcán⁴ nó solas. Bíonn siad ann chun cabhrú le mairnéalaigh⁵ a mbealach a dhéanamh go slán agus go héifeachtach ar an bhfarraige. Ina theannta sin tugann siad rabhadh⁶ dó mhairnéalaigh mar gheall ar chontúirt⁷ ar bith a bheadh rompu. Baineann mairnéalaigh úsáid as na comharthaí mar threoir⁸ chun carraigeacha nó réimsí contúirteacha farraige⁹ a sheachaint agus chun calafoirt¹⁰ a bhaint amach go sábháilte. Bíonn gach uile chomhartha díobh lonnaithe i suíomh faoi leith¹¹ ar dhromchla an domhain¹². Ciallaíonn sé sin gur féidir iad a aimsiú go héasca ar léarscáil¹³ agus ar fhearas leictreonach¹⁴. Cuid de na comharthaí, is stáisiúin fhosaithe¹⁵ iad ar talamh. Ach tá cuid acu ar snámh¹⁶ i lár na farraige agus ní féidir iad a bhaint amach gan bád nó héileacaptar a úsáid – baoithe mar shampla. Uaireanta bíonn níos mó ná feidhm amháin ag comhartha faoi leith: seans gurb é an struchtúr féin an comhartha, rabhcán bán ar charraig, cuir i gcás. Ach seans go mbeadh solas nó marcanna eile air leis. Seo thíos na comharthaí ar fad atá ag Coimisinéirí Soilse na hÉireann timpeall na tíre.

Tithe Solais Móra

Tá Coimisinéirí Soilse na hÉireann ag obair i gcomhar le dreamanna áitiúla ó thuaidh agus ó dheas chun 12 de na tithe solais is mó sa tír a oscailt don phobal. Is féidir fanacht thar oíche i gcuid de na tithe solais, agus is féidir go leor a fhoghlaim faoin stair a bhaineann leo, féach: www.greatirishlighthouses.com.



Baoithe

Is fearas¹ é baoi a bhíonn ar snámh² san uisce agus a shocraítear ar ancaire³. Cabhraíonn siad le mairnéalaigh fios a mbealaigh a fháil agus uaireanta feidhmíonn siad mar rabhadh mar gheall ar chontúirt⁴ a bheadh san fharraige timpeall orthu. Is minic a chuirtear trealamh⁵ orthu chun sonraí a chruinniú maidir leis an aimsir agus maidir leis an bhfarraige.




Tithe Solais

Tá Coimisinéirí Soilse na hÉireann freagrach as breis agus 70 teach solais timpeall na tíre. Cuid riachtanach¹ den chóras sábháilteachta² ar muir³ is ea na tithe solais. Tá siad ar fad uathoibríthe⁴ anois, is é sin, ní bhíonn aon fhoireann lonnaithe⁵ iontu.

Héileapadanna

Tá 8 héileapad ag Coimisinéirí Soilse na hÉireann timpeall ar chósta na hÉireann. Is féidir le héileacaptair tuirlingt orthu nuair a bhíonn obair le déanamh ar na tithe solais.



Rabhcáin

Is é is rabhcán ann ná comhartha loingseoireachta a mharcálann suíomh ar leith. Is féidir gach ceann díobh a aithint ón gcruith, dath, nó patrún atá air nó ón mbarrmharc¹ nó ón gcineál solais atá air. Tá Coimisinéirí Soilse na hÉireann freagrach as 29 rabhcán timpeall an chósta.

Meit-Aigéin

Faoi láthair tá 7 mbaoi agus 2 theach solais feistithe¹ le braiteoir² speisialta chun sonraí a bhailiú. Seoltar na sonraí meitéareolaíochta³ agus aigéaneolaíochta⁴ sin ar ais chuig an gceanncheathrú⁵ lena gcur ar líne.





Tóraíocht Dúlra an Earraigh

Cé mhéad de na rudaí seo thíos is féidir leat a aimsiú agus tú amuigh faoin aer sna seachtainí romhainn? Nuair a fheiceann tú ceann de na rudaí thíos cuir tic sa bhosca cuí. D'fhéadfá comórtas a bheith agat le do chairde féachaint cé a chríochnóidh an tóraíocht dúlra¹ ar dtús!



Bachlóg² ar chrann

☐


Bachlóg blátha¹¹

☐


Uan

☐


Bláthanna silín¹²

☐


Bogha Ceatha

☐


Nóinín

☐


Beach ag crónán³

☐


Buaircín¹³

☐


Coinnle corra⁴

☐


Lochán d'uisce báistí

☐


An ghrian ag dul faoi

☐


Corrán gealaí¹⁴

☐


Cróch⁵

☐


Ealta éan¹⁵

☐


Lorg seilide⁶

☐


Foraois

☐


Planda ag péacadh⁷

☐


Bolb¹⁶

☐


Lorg ainmhí⁸

☐


Leabhar dúlra

☐


Leoithne gaoithe bogthe⁹

☐


Lochán

☐


Lus an chromchinn¹⁰

☐



Éan ar chraobh

☐



Ailbí, an Turtar Ailbíneach

Tá monatóireacht¹ á déanamh le 9 mbliana anuas ar neadacha an turtair ghlais² san Astráil. Tá dream amháin de ghníomhaithe timpeallachta i mbun na hoibre sin ar Chósta Gréine³ Queensland. Agus iad ar thuras taighde⁴ le déanaí tháinig an grúpa ar nead turtair ina raibh 122 ubh agus na turtair óga díreach ag teacht amach astu. Ní rud neamhghnáthach⁵ é sin ann féin, ach tháinig siad ar rud eile a tharraing go leor cainte ar fud an domhain.



An turtar deiridh a thochail a bhealach⁶ amach as an nead, b'ailbíneach⁷ a bhí ann, is é sin, ní raibh dath ar bith air. Is é an t-ainm a bhaist siad ar an turtar bán ná *Ailbí*. Is go fíorannamh a fheictear turtar ailbíneach. D'éirigh leis an bhfoireann a chinntiú go ndearna an turtar a bhealach chun na farraige go slán sábháilte. Ní hamháin sin ach d'éirigh leo an eachtra ar fad a thaifeadadh ar scannán⁸.

Beacha faoi bhagairt

Bhí crónán¹ agus monabhar² le clos ar fud na tíre i Mí Mheán Fómhair 2015 nuair a tháinig 68 eagraí³ le chéile chun Plean Uile-Éireann na bPailneoirí 2015-2020⁴ a chur le chéile. Is é an rud a chuir siad rompu⁵ sa phlean ná deireadh a chur le meath na mbeach⁶ in Éirinn.



Ar chúiseanna éagsúla bíonn níos lú agus níos lú⁷ bláthanna fiáine ag fás timpeall na tíre. Is ar bhláthanna fiáine a bhíonn beacha a gcothú féin⁸ den chuid is mó. Ach toisc a laghad⁹ acu a bhíonn ann anois bíonn an-chuid beach ag fáil bháis le hocras. Faightear 98 speiceas beach in Éirinn agus tá gach aon speiceas díobh sin go léir faoi bhagairt¹⁰ anois. Níos measa fós, tá an baol ann go ndíothófar¹¹ an tríú cuid de na speicis sin.

Is pailneoirí¹² iad na beacha, rud a chiallaíonn go n-íompraíonn siad pailín¹³ ó bhláth go bláth. Nuair a dhéanann na beacha é sin toirchíonn¹⁴ siad an planda agus bíonn an planda ábalta torthaí agus síolta a thabhairt ansin. Murach na beacha agus an pailniú¹⁵ a dhéanann siad ní fhásfadh barr¹⁶ ar bith. Mar sin ba cheart dúinn gach ar féidir linn á dhéanamh le cuidiú leis na beacha.

Tá leagan do dhaoine óga de Phlean Uile-Éireann na bPailneoirí 2015-2020 ar fáil ag: http://ark.ie/downloads/Junior_Pollinator_Plan_for_Web2.pdf

Tháinig Happy Socks ar ais ar snámh!

Ar an 5 Eanáir 2016 cuireadh glaoch ar bhád tarrthála¹ Bhaile Chaisleáin Bhéarra². Bhíothas tar éis bád beag a fheiceáil i mBá Dhún Mánaí³ in iarthar Chorcaí agus í ag dul le sruth⁴. Bád iomartha⁵ a



bhí inti agus bhí sí déanta as snáithín carbóin⁶. *Happy Socks* an t-ainm a bhí ar an mbád agus bhí sí folamh nuair a thángthas uirthi⁷.

Fuarthas nóta sa bhad agus bhí an méid seo a leanas scríofa ann:

“Sé do bheatha. Má thagann tú ar an mbád seo bheinn buíoch díot ach teagmháil liom, Sarah Outen. Tógadh ón mbád mé ar an 03/10/2015 nuair a bhí an bád ag an suíomh seo: I 029.10, T 44.31. Bhí speirling⁸ tuartha agus b'éigean dom an bád a thréigean⁹.”

Chomh maith leis sin thug Sarah a cuid sonraí teagmhála.

Is taiscéalait¹⁰ í Sarah agus chuir sí chun farraige¹¹ ag Droichead na dTúr¹² i Londain in Aibreán na bliana 2011. Bhí sí ag imeacht ar thuras eachtraíochta¹³ ar ar thug sí *London2London: Via the World* agus é i gceist aici dul mórthimpeall ar an leathsféar thuaidh¹⁴ ar fad ar mhaithe le hairgead a bhailiú ar son carthanais¹⁵. Ach ní haon gnáth-thuras a bhí ann mar bhí sé mar aidhm ag Sarah an turas fada sin a dhéanamh gan ach bád iomartha, rothar agus cadhc¹⁶ a úsáid.

Ar an gcuid deiridh den turas d'fhág Sarah Cape Cod ar chósta thoir Mheiriceá Thuaidh chun dul trasna an Atlantaigh sa bhád. Ar an drochuair, tháinig an spéirling *Joaquin* agus b'éigean do Sarah an bád a thréigean agus í siar ó chósta na Portaingéile. Bhí gaoth 60 muirmhíle san uair (111 km san uair) ag séideadh agus na tonnta chomh mór sin go raibh an baol ann go mbáfaí an bád agus Sarah ar aon. Bhí uirthi cabhair a fháil ó long lastais¹⁷ a bhí ag dul thar bráid agus slán a fhágáil lena bad *Happy Socks*. Chaith an bád 143 lá ag imeacht le sruth agus ar deireadh shroich sí Bá Dhún Mánaí go slán sábháilte. D'éirigh le foireann tarrthála Bhaile Chaisleáin Bhéarra an bád a tharrtháil tugadh ar ais do Sarah í. Is í a bhí sásta léi féin!

An tOllturtar blaosc bhog Yangtze

Fuair ollturtar blaosc bhog Yangtze¹ bás le déanaí agus anois níl ach trí cinn de na turtair sin fágtha ar domhan. *Cu Rua* an t-ainm a bhí ar an turtar agus bhí sé ina chónaí i loch i gceartlár Hanoi i Vítneam. Is é is brí le *Cu Rua* ná 'sin-seanturtar'². Meastar go raibh sé breis is 100 bliain d'aois agus bhí an-chion ag muintir Vítneam go léir air.



As na trí thurtar atá fós beo, tá ceann fireann agus ceann baineann i Zú Changsa sa tSín. In theannta sin, tá ceann fireann eile i loch gar do Hanoi i Vítneam. B'iontach an rud é dá n-éireodh leis na cinn sin sa tSín síolrú³, ach faraor géar⁴, tá seans maith nach n-éireoidh leo.